



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm XL. P. G.

[urn:nbn:de:hbz:466:1-62559](#)

NO T A N D V M I. Si iudex ut suspectus recusat, ex causa probabili, quæ si probata fuerit, legitima reputabitur (ait Gl. hic ver. suspicionis causa) tum ex partium consensu arbitri eligendi sunt, qui de tota cœla suspicionis cognoscant, per potestatem ipsi à iure collatam, uti Imola hic obseruat n. 11. Ita etiam habetur in c. cum speciali, 61. deappellat. & c. 2. eod. in 6. & videri potest Ioann. Andr. hic.

Excipe primò: Si causa recusationis in iure expressa, aut alias notoria, seu indubitate sit; aut si recusatio Iudicis manifeste iniusta, aut friuola est, his casibus opus non est, vt in arbitros cōpromittatur, sicuti Gl. notat incit. c. cum speciali, ver. iusta suspicionis.

Excipe secundò: Si duo Iudices delegati sint cum clausula, si non ambo potestis, &c. tum de causa suspicionis, vni obiectæ, alter cognoscere potest, & si contra 4. eod. in 6.

NO T A N D V M II. Si duo electi arbitri non concordent, cogi debent à Iudice ad eligendam personam tertiam, cuius auctoritate discordia eorum dirimatur. Ita etiam de voluntarijs arbitris habetur in 1. Item si vñus, 17. §. principaliter, ff. de recept. qui arbitrium, c. innotuit, 12. de arbitris. Posteaquam verò arbitri sententias suas in discordia dixerunt, videntur esse functi officio suo, vt tunc nihil amplius agere possint: quamobrem hoc casu ad Superiorem recurrendum est, arg. c. vlt. de sent. & re iudic. & tradit hic Ioan. Andr. n. 9. Abb. n. 11. contra Speculatorum intit. de recusat. §. vlt. ver. Quid si arbitri electi, Imolam hic n. 21. qui dicunt, arbitrios, etiam post latas à se diuersas sententias posse tertium vt diremptorem eligeret, c. cum textus c. huius nihil distinguit, num sententia lata sit, an ferenda. Quam sententiam ob auctoritatem Speculatoris probabilem, imo & æquitati consonam esse, ne causa delegata maneat indiscussa, censet Abb. hic, quamuis prior, vt dixi, de iure verior.

Denique notat Gl. communiter recepta ver. Ad quos, Tametsi arbitri voluntarij non cogantur arbitrium suscipere, 1. 3. §. 1. ff. de receptis, qui arbitrium, &c. lechis tamen sentendum de his arbitris, qui ex iuri necessi-

tate eligi debent, eos ad suscipiendum id munus compelli posse.

CAPITVLVM XL.

P. & G.

PARAPHRASIS.

Publius, & Gaspar Mercatores, literas Apostolicas contra Episcopum Londonensem impetrarunt ad Abbatem S. Genouefæ, in causa mutui, quod suo loco & tempore ipsis persolutum non fuerit. Pendente hoc iudicio, ad eundem Abbatem, Apostolicum delegatum, Innocentius laicus accessit, qui & ipse mercatori pecuniam debebat, afferens coram Abbat, nisi debitum intra terminum constitutum solueret, vt excommunicationis & interdicti sententiam in ipsum, & terram eius promulgaret. Re hac intellecta, respondit Gregor. I X. censuras ea occasione latas ab Abbat in dictum Innocentium irritas esse: Cūm enim is Abbatis iurisdictioni subditus non esset, non potuit eius iurisdictionem prorogare: quia delegata iurisdictione de persona in personam non extenditur: tametsi Iudex ille delegatus, videlicet Abbas, ordinariam etiam iurisdictionem aliquam habeat.

S V M M A R I V M.

1. Promittens certo loco, aut tempore solutionem, si in mora sit, compensare deberet, quatenus creditoris interest, solutionem iuxta conventionem factam non esse.
2. Reus obligare se potest coram iudice suo, nisi infra tempus definitum præstiterit, ad quod de iure obligatus est, ut excommunicationis vel interdicti pena subiaceat.
3. Iurisdictione delegata non potest prorogari seu extendi de persona in personam, nisi in duabus extraordinariis casibus.
4. Etiam se ea concurrat cum ordinaria.

Oooo NOTAN-

NO T A N D V M I. Qui promisit certo loco, aut tempore se solutum, si eo loco, aut tempore (dummodo in mora sit) non soluat, compensare debet tum damnum inde emergens, tum lucrum cessans, adeoque quantum interest creditoris, solutionem, ut conuentum erat, factam non esse. Ita habetur in l. 2. ad finem, & l. 3. ff. de eo quod certo loco, & docet hic Gl. communiter recepta, ver. loco, & termino.

NO T A N D V M II. Reus obligare se potest coram Iudice suo, nisi intra tempus definitum præstiterit, ad quod de iure obligatus est, ut excommunicationis, vel interdicti pena subiaceat. Ita docet Gl. hic ver. promulgares, quam DD. communiter sequuntur, ut videre est apud Abb. num. 6. Imolam n. 25. Quemadmodum, inquit Gl. aliquis se obligare potest sub pena beneficij amittendi, c. cum dilectus, 32. prope finem, de elect. & c. vlt. iun. Gl. ver. causæ de crimine falsi.

Verum hæc dicta declaratione indigent: Nam ad penam amittendi beneficij clericus se obligare potest, cum ordine ad Superioris voluntatem, per quam priuari possit, ut bene admonet hic Gl. marginal. Quod vero attinet ad censuræ, v. g. excommunicationis sententiam inferendam, nisi debitum v. g. intra definiti temporis terminum solutum fuerit, distinguendum est: Vel enim Reus subiicit se *sententia postea ferenda*; tunc intelligi id debet secundum iuris communis dispositionem, ut antecedat monitio, & cognoscatur de contumacia. Quare hoc casu promittens non nouam obligationem contrahit, sed priorem graviorum facit, quando cum excommunicationis sibi inferendæ mentione se obligat, iuxta c. Ego Berengarius, 42. d. 2. de consecrat. Vel Reus subiicit se *sententia late* sub conditione, si non satisficerit. Et hoc fieri non potest, nisi Iudex velit, & exprimat, se ea severitate præcipere Reo, ut si intra tempus præsumum non satisficerit, ipso facto excommunicationis sententiam incurrit. Quo casu opus non erit alia monitione: quia ipsum præceptum, iusta de causa ita latum perpetuè admonet, ut ex communi tradit Suarez de censur. disp. 3. sect. 8. n. 5. Necesse tamen est, ut lu-

dex, priusquam hominem pro excommunicatione habeat, ac denuntiet, eodem ad se citato, de criminis contumaciam cognoscat: qui fieri potest, ut aliquid ante terminum ipsum superuenerit, quod eum excusari, & inculpatum reddidit; ut quia soluere non potuit; aut non debuit, eò quod creditor ipsi condonarit. Qua de re legi potest Innocent. hic, Ioan. Andr. n. 3. Felinus n. 2. Suarez c. disp. 3. sect. 6. n. 8.

NO T A N D V M III. Iurisdictio delegata non potest prorogari, seu extendi de persona in personam. Ratio est: Quia iurisdictio delegata, cum potius ad delegantem pertineat, quam ad delegatum, suapte naturæ etiæ interpretationis est, & ultra terminos commissionis non extendenda. Excipe primo: Quod ad personas, quæ per accidentem suis accessoriæ veniunt, extendi possit. iurisdictio delegati, ut si tertia persona, cuius interest, ius suum ponat coram delegato, ut etiam suprà indicauit in c. cum super, 23. not. 1. hoc tit. vel si coram delegato fideiussor datus compellendus sit ad satisficiendum. Quia de re Felinus hic num. 5. Excipe secundum: Quod iurisdictio delegati ad vniuersitatim causarum prorogari possit, secundum probabilem doctrinam Gl. in l. 1. ver. qui tribunali, ff. de iudicis, quoniam hic sequi videtur Felinus num. 6. fallent. & contra Abb. n. 5. Nam hæc iurisdictio ordinariæ æquiparatur, secundum Gl. in c. clm causam, 62. ver. delegatus, in fine, de appellat. Iurisdictio autem ordinaria cum patium, ipsiusque Iudicis consensu ad personas alioquin non subiectas prorogari potest. c. l. 1. iun. Gl. Verum ad hanc prorogationem requiritur tum voluntas, tum potest se subiicientis Iudicii. Defectu voluntatis utilis est prorogatio, si quis ideo respondet coram Iudice, quia falso existimat, se eius iurisdictioni subditum esse, uti nota Gl. hic, ver. prorogatio nulla. & Felinus hic constatq; ex l. si per errorem, 15. ff. de iurisdictio vbi & ratio assignatur: Cum non consentiant, qui errant: quid enim tam convarium consensu est, quam error? Defectu potestatis clericorum subiicere se non possunt laicorum iurisdictioni, cum exemptio Clericorum ob publicum

blicum Ecclesiæ fauorem constituta sit, c. si diligenti, 2. de foro competit. Sed neque in Ecclesiasticum Iudicem alienum, absque Ordinarij sui licentia, Clerici consentire possunt, iuxta c. significasti, 18. eod. tit. & tradit Innoc. in c. de causis, 4. n. 1. hoc tit. Ratio afferri debet: quia quod iurisdictionis ad personas Iudici non subiectas ex earundem consensu prorogari possit, id Cæsareis legibus introduci potuit quoad subditos Imperij; non item quoad subditos alienos, cuiusmodi sunt Clerici. Ex quo resoluti Rodriq. tom. 1. regul. quest. 36. art. 5. ibid. Abb. num. 10. Quod exempti à iurisdictione Episcopi, & immediate subiecti Papæ, tanquam proximo suo Ordinario, sine eiusdem consensu, Episcopali iurisdictioni subjicere se non possint. Quod tamen intelligi debet secundum forum contentiosum. At verò in foro sacramentali penitentiae, ad absolutionem accipiendam à peccatis; & in actibus iurisdictionis voluntariæ ad petendam dispensationem in votis, legibus iejuniorum &c. accedere possunt exempti ad Episcopum diocesanum; ne alioquin cedat exemptionis priuilegium in ipsorum incommodum, contra iuris regulam 61. in 6. *Quod ob gratiam aliquis conceditur, non est in eius dispendium retorquendum.* Idque notat Syl. ver. absolutio, 5. n. 2. & dixi lib. 1. tr. 4. cap. 23. num. 7. Denique.

4. His addit: Tametsi in eandem personam concurrent ordinaria iurisdictionis, & delegata, ut si Episcopo causa aliqua à Sede Apostolica commissa sit, non posse prorogari iurisdictionem eius delegatam, vt ex textu huius c. constat.

CAPITVLVM XLI.

Cum vicefimnum.

PARAPHRASIS.

Qui vicefimnum ætatis annum compleuit, iudex delegatus esse potest. Sed ante eam statim nemo delegari potest, præterquam

à Principe: Aut nisi partes scienter consentiant, vt alicui, qui tamen decimum octauum annum excessit, delegatio fiat.

S V M M A R I V M.

1. *Iudex ordinarius in externo foro constituti non potest minor xxv. annis; nisi loci consuetudo aliud, vel Princeps minorum natu constituat.*
2. *Delegatus esse potest, qui vicefimnum annum compleuit; minoris adhuc etatis esse potest, si à Principe ex certa scientia detur; vel in talen partes consentiant.*
3. *Minor xx. annis arbiter constitui nequit.*
4. *Mortuo Rege aut Principe successor regni, vel principatus administratio permittitur subinde, modo pubes sit, in quibusdam tamen prouinciis plena pubertas, hoc est, etas 18. annorum expectanda est.*

Circa questionem hanc, quanta ætas in iudice requiratur, distinguere oportet, vtrum sit Iudex ordinarius, an delegatus. Et num à Principe datus, an ab inferiore: Denique vtrum ex partium consensu, an sine eo.

Igitur Dico L. Iudex ordinarius in externo foro constitui non potest minor xxv. annis, l. cum lege, 41. ff. de recept. qui arbitrium, &c. l. Ad Rempubl. 8. ff. de munib. l. non tantum, 11. ff. de decurionibus. Cùm enim minores natu ad propria administranda non satis idonei iudicentur, multò minus ad Rempublicam administrandam, inquit Abb. hic n. 5. Excipe primò: Nisi consuetudo loci permittat, vt ante legitimam ætatem Iudices ordinarij creentur, vt significatur in cit. l. non tantum. Excipe secundò: Quod minor natu à Principe Iudex constitui possit; quia censetur dispensare in ætate; dummodo ex certa scientia egerit, l. quidam, 57. iun. Gl. ver. decreuit, ff. de re iudic. & tradit Gl. communiter recepta in

Ooooo 2 l. cùm